

Abonnement pour un an:

250 piastres

Edition spéciale 500 piastres

Adresse:

Idjtihad Constantinople

Téléph-St, 865

XXème ANNÉE

15 Avril 1925—No 178

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکی [۲۴ نسخہ]

تورکیا ایچون ۲ ، خارج ایچون

۲ ۱/۴ ، اعلا کاغذلیسی ہ لیرادر .

ادارہ خانہ سی

جفال اوغلندہ « اجتهاد نھوی »

تلفون : استانبول ۸۶۵

یکرمنجی سنہ

نومرو ۱۷۸-۱۵ نیشان ۱۹۲۵

تابع اولدوقلری کورولمشدی . بونلرک تأمین ایتدیکی الک بویوک فائده زراعت مملکتلرنده استحصال ایله استهلاك آراسنده مهم وفائده لی بر موازنت وجوده کتیرمک اولمشدر . اشتراکده کی غایه ، عمومک منفعتنه تعلق ایددن احتیاجلری تأمینه و بوراده تعقب ایدیلن اساس ده فرددن جمعیه و منافع شخصیهدن منفعت عامیه انتقالدر . فی الحقیقه بر مملکتده :

- اصول زراعتک اصلاحی ،
- زراعت متناوبه نك تأسیسی ،
- حیوان جنسرلینك اصلاحی ،
- تحملقلرک اییلشدر یله سی ،
- زراعت میخانیکیه آلتلرینك تعمیمی ،
- حیوان خسته لقلرینه قارشى شافی ووافى تدبیرلر اتخاذی ،

- فیلقسرادن خراب اولان باغلرک یکیدن یتیشدر یله سی
- کیمیوی و معدنی کوبرلر قولانیلماسی و بو عناصر غذائیئه نك تدارکی ،
- حاصلاته مخرجلر بولونماسی ،
- حیوانلرک و حاصلات ارضیه نك سیغورتا ایتدیر یله سی ،

— درملرک ونهرلرک طاشماسندن ایله رى کلن ضایعاتک برطرف ایدیله سی ؛

— اعتبار زراعتینك تأمینى ؛

— تدریسات زراعیه نك تعمیمی ... (۱)

کبی عمومه تعلق ایددن یوزلرجه ، بیکلرجه ایشلر واردر ، که بونلرک آنجاق سندیقارله تأمین ایدیله بیله چکنده شبهه یوقدر .

زراعتده تعاون و اشتراکک دیگر بر فائده سی ده ،

(۱) بزده تدریسات زراعیه بر آراق اهمیت ویرایش و مکتبلرده اوقوتدیرلیق اوزره بعض کتابلرده یازیلشدی . صوک دفعه آنقرده طوبلان و کوپرلی زاده فواد بک طرفندن ریاست ایدیلن قرمسئونک مکتبلرده تدریسات زراعیه فی النایتدیکی کال حیرت و تأسلفه کوردک . کوریلدور ، که بر دارالفنون مدرسی ، ادبیات فاکولته سی رئیس ده مملکتک بر زراعت وطنی اولدیغنه دائر سوبله ن سوزلرک اصابتنه تمامیه قانع اولمشدر . بو حالحه تدریسات زراعیه نه لزوم قالیر ؟

زراعت سندیقارلی وقواوپه راتیفلری

بوندن اولکی محاضره مزده ، زراعتده اشتراک و تعاوندن بحث ایتشدک . بوفکر و مقصدک وجوده کتیردیکی مؤسسات باشقا مملکتلرده زراعتک ایله ری کتیمه سنه و چفتجیلرک واسع مقیاسده منفعتلر و سهولتلر قازانلرینه خدمت ایتمشدر . بزم مملکتلر مزده بوکبی مؤسسسلرک هنوز دوشونه له مش اولدیغنی هرکس بیلیر . شونیده بیلمه لی در ، که هر هانکی بر مملکتک زراعتله اجتماعیات و اقتصادیات آراسنده پک مهم وقوتلی رابطلر واردر . زراعتی ایله ری کتورتومک ، باشقا مملکتلرک رقبتلری قارشیدسنده حاصلات ارضیه دن کار چیقارمق ، مصارف استحصالیه یی آزالتمق ، اعتبار زراعی یی وجوده کتیرمک ، مملکتک محتاج اولدینی زراعت مؤسسسلرینی تأسیس ایتک جدواهتمام ایله تعقیب اولونان و سیاست زراعیه یی تعیین ایدن بر پروغرامک یاپیلماسنه باغلی در . زراعت سندیقارلی وقواوپه رانیفلری ده بو پروغرامک الک مهم ماده لرینی تشکیل ایدر . شوقادار که بوکبی مهم مؤسسسلرک احتیاجدن تولد ایتدیکنی اونوتماق لازمدر . احتیاجک محسوس اولادینی بر مملکتده بوکبی مؤسسسلردن بحث ایتک آنجاق نظری بر فائده تأمین ایده بیلیر .

جمعیت ، افرادک شخصی سسلرندن طوغریدن طوغرییه مستفید اولدینی کبی ، شخصی منفعتلرک چوق دفعه جمعیتک منافعه له علاقه دار بولوندیغی ده قابل انکار اولمایان بر حقیقتدر . آوروپانک بر چوق یرلرنده زراعت سندیقارلی بدایه ، چفتجیلرک خارچدن صاتین آلاجه قلی شیلره آلدانمالاری و احتیاجلرینی ممکن اولدیغی قادر اهنون و قولای تأمین ایتمه لری مقصدیه له تأسیس ایتش ایکن صوکرلری کچیردیکی انقلابات و آلدیغی اشکال متکامله ایله کویولرک شرائط اجتماعیه و اخلاقیه لرینی اییلشدریه جک و خلقلک رفاه و سعادت حالنه واسع مقیاسده خدمت ایده بیله جک مؤسسسلر حالی آلمشدر . سعیده اشتراک ایله باشلایان مؤسسسلرک داها صوکر امنفعتده اشتراک دستورینه

— زراعت نقطه نظرندن « مساوات » ك تأمین .
 در . زراعتله مشغول اولانلر ، مملكتتمزده « مساوات »
 تعبيرينك زراعتده افاده ايتديكي معنای آ كلايايليرلر .
 في الحقیقه ، دوشونيله جك برشی وارسا ، اوده « سى »
 ايله وجوده كان « منفعت » ك باشقالرى طرفندن غصب
 ايديلهسنه مانع اولقدردر . زده « عدم مساوات » دن ايلهرى
 كان مصائب و مظالمی تماميله آكلاتقى ايچون يوزلرجه
 صحيفلر طولدورمق لازم كلير ...

بزم فكر و قعاعتمزجه ، مملكتتمزده زراعتی ايلارى
 كوتوره بيهجك اسبابك اك مهملى آراسنده ، زراعت
 سنديقالرى صايق لازم كلير . بومؤسسeler حكومتك اك
 مهم و سائط اجرائيه سيدر . كوچوك اراضى صاحبلرني ،
 عائلات زراعيه ي داها آي برحال ووضعه كتيرمك ،
 كويلوك سعادت ورفاهنى تأمین ايتك صورتيله اونلرى
 طوپراقله داها زياده علاقه دار ايله مك كې ايشلر بوترز .
 ده كي مؤسسeler طرفندن داها بويوك موفقيتله ياپيلايلير .
 بونك ويره جيكي نتايجده هر كسه كندى نفسنه و منسوب
 اولدينى جمعيتيه و مسلكه قارشى ايفاسنه مجبور بولوندينى
 وظائفى اك معقول و فائدهلى برطرزده بيلاير مكدردر .
 ملتلك حضاور ورفاهنه طوغرى كيديله جيك يولك
 مبدأى ده بوراده در .

بكاربكي ۷ نيسان ۱۳۴۱

صوك

حسين كاظم

پك مهم بر اثر:

عمومى و آلى آمريقا تربيه اصوللرى

تعليم و تربيه و على العموم معارف سيستمز اوزره رينه بول
 و فيضلى برنورصاچاقق بو كتاب معارف و كالنى طرفندن ترجمه
 و طبع ايتديريلمكده در . معلم و معارف اركانى ايچون بيوك بر
 مشعله اولاجاق ارلان بو كتابه مترجم يازديقى قيصة ديباجه ي ،
 اثر حقنده شيمديدز برفكرويرمك اوزره درج ايدىورز .

آنگلو ساقسونك اك بليغ و خالص انموذجنى تشكيل
 ايدن شالى آمريقاليلرك، بيوك آنارلرى اولان (انكلتره)
 دخى داخل اولدينى حالده بتون مدنى دنيايه امتثال نمونه سى
 تشكيل ايتكده درلر . اونلرك آتئين و ياراتيجى حياتى

منفعت عامه دن باشقا ، اشخاصك حيات و منفعتلرني تأمین
 ايتك اولمشدر . بونك نه قدار مهم برايش اولديغنى مركس
 بيلير . زراعتله مشغول اولديغى زمان ، چفتلك صاحبلرينك
 و عمر و اناشالرك متقابل حقلىنى كوزده جيك ، بعض
 اعتياداتدن باشقا ، بر اصول و نظام اولماديغنى كورمشدم .
 قيش موسمنى كچيرمك ايچون آز بر آيقله بر چفتلكه ويا
 بر كويلونك يانسه قايلانان بر ياناشما ، ايلك بهار كلنججه
 اولدينى ىرى بر اقوب چقيور و بويوزدن مهم ضررلر
 ايقاع ايدىوردى . فقط ، بو فنالرك سببى ده خلقك ،
 احتياجنون و بونك توليد ايتديكى سفالندن استفاده ملندن
 باشقا برشى ده كادى . بو حالده هر ايكي طرفك حقوقى
 تأمین ايدجك بر نظامك وجوده كتير يله سيله بر طرف
 اولايلىردى . ويا بهر چوق شيلر واردر ، كه شخصلردن
 زياده جمعيلر طرفندن ياپيلايلير . زراعت سيغورتالرى ،
 اعتبار زراعى مؤسسeler ، كوى بانقالرى كې هر
 مملكتك شتله معروض اولديغى احتياجلرى دوشونه جك
 و بونلرك وجوده كلى اسبابى حاضر لايحق آنجا برفكر
 اشترك و تعاوندر . خلق حكومتك تعقيب ايدجكي مسلك
 و سياستده بوندن باشقا برشى اولاماز . خلقك رفاه
 و سعادت ، انتظام حياتى ، حضور و سكونى . ايچون اك
 مؤثر عامل بودر . بزده « زراعت اوطلرى » نك بدايت
 تأسيسنده بويله بر املك حاكم اولوب اولماديغنى بيله مم .
 فقط ، بونلر طوغرودن طوغرويه حكومت طرفندن
 تأسيس اولونمشلردى . وظيفه لرى ده چفتجباريله حكومت
 آراسنده و پك محدود ايشلرده ، توسطدن عبارت قالدى
 بزم بحث ايتديكمز تعاون مؤسسelerينك كوره بيله جكلرى
 ايشلر اقتصاديات ، اجتماعيات و حتى اخلاقيات اعتباريله
 پك مهم و فائدهلى تشبثلردر . بونلرك آراسنده عامه
 و صنعتيه تعلق ايدن وظيفه لرده واردر و بو اعتبارله بوتون
 بو ايشلرك هر كسك الله توديع ايديله ميه جيكي طبعيدير .
 زراعت سنديقالردن بلكه ن ايشلرك مهملى :

— اصول زراعتك تبديلى ،

— چفتجيكده و صنايع زراعيه ده حصوله كان

تكامللردن خلقك استفاده سنى تأمین ،

— زراعتله ياشايان خلقك ترفيه حالى ،